



BASES DO CONCURSO DE MAIOS E COPLAS 2023

O próximo día 7 de maio celébrase na nosa cidade a tradicional Festa dos Maios, declarada no Consello da Xunta de Galicia do 4 de outubro de 2001 Festa de Galicia de Interese Turístico na provincia de Ourense.

Con tal motivo, a Área de Artes e Festexos convoca un concurso de Maios e Coplas para ese día, de acordo coas seguintes **BASES**:

1.- Poderán participar nesta convocatoria todas as asociacións culturais, colexios, grupos, colectivos veciñais, entidades e calquera persoa que o desexe, sempre que sexa maior de idade.

2.- Haberá as seguintes modalidades:

- **MAIOS**

CATEGORÍAS:

Maio Enxebre é aquel maio tradicional e figurativo que representa pirámides, conos ou cruceiros. As súas medidas deben comprender como mínimo 1.5 metros de altura medidos desde o chan.

Maio Artístico é o que recrea, cos elementos tradicionais, escenas cotiás, monumentos ou obras de arte do pobo ou da cidade, personaxes, etc.

Maio infantil, realizado por nenos e nenas, menores de 18 anos, colexios, ANPA,... En todo caso, o representante legal para a presentación da solicitude para a participación será maior de idade.

Normas:

- As construcións de maio artístico que se presenten ao concurso terán que ser realizadas integramente para a ocasión e non utilizar obxectos recubertos, para crear formas ou figuras.
- O musgo que se utilice deberá estar cosido ao esparto, nunca pegado, que será causa de descalificación
- Os materias a empregar serán tradicionais: madeira, sacos de esparto, musgo, xestas, uces, carqueixas, carrabouxos, flores silvestres...

- **COPLAS**

CATEGORÍAS:

- **Coplas Infantís**, realizadas por nenos e nenas menores de 18 anos,... En todo caso, o representante legal para a presentación da solicitude para a participación será maior de idade.
 - **Coplas adultos**

Normas:

- Valorarase a retranscrición, a composición, o ritmo e a linguaxe utilizados. Penalizarase o uso de coplas copiadas de anos anteriores.
- O canto das coplas será no mesmo lugar no que estea situado o Maio.
- O xurado indicarlle ao colectivo que escolla unhas estrofas das súas coplas para ser valoradas, polas limitacións de tempo do xurado.
- Valorarase o uso da melodía tradicional e que as estrofas vaian enlazadas.





Concello de **OURENSE**

Artes e Festexos

- Deberán presentarse no momento da inscrición do maio co seu correspondente depósito legal. Se a inscrición é presencial deberán entregar seis exemplares no Rexistro Xeral do Concello

3.- O Concello designará un xurado cualificador procurando que sexa coñecedor da Festividade dos Maios e que non estea relacionado de forma directa coas agrupacións participantes. A súa decisión será inapelable. Ademais, un representante do colectivo gañador ás mellores coplas comprométese a formar parte do xurado da vindeira edición.

4.- O xurado valorará os maios presentados e as coplas, outorgando os seguintes premios:

Premio Maio artístico :

- 1º Premio 900,00 €
- 2º Premio 700,00 €
- 3º Premio 500,00 €

Premio Maio enxebre:

- 1º Premio 600,00 €
- 2º premio 400,00 €
- 3º Premio 300,00 €

Premio maio infantil:

- 1º Premio 300,00 €
- 2º premio 200,00 €
- 3º Premio 100,00 €

Premio mellores coplas 300,00€

Premio mellores coplas infantís: 300,00€

5.- Ademais, esta Área concederá unha axuda pola participación de 300,00 € os Maios presentados, ate esgotar o crédito dispoñible de 18.000€, logo da comprobación e estudo por parte do xurado competente de que o Maio está debidamente elaborado.

6.- Os premios serán compatibles coas axudas por participación. É condición imprescindible para percibir o premio ou a axuda presentar no Rexistro Xeral do Concello no momento da inscrición a fotocopia do DNI ou NIF do perceptor e a folia de terceiros debidamente cuberta (deberá coincidir cos datos da inscrición) e asinada pola entidade bancaria, no caso de non tela presentado con anterioridade neste concello

7.- Os premios e axudas deberáselles aplicar o desconto correspondente que marca a Lei.

8.- Cada participante terá que presentar maio e coplas. As coplas terán que entregarse co seu correspondente depósito legal.

9.- A contía global máxima que se concederá nesta convocatoria será de 18.000,00 euros con cargo á partida 180.3340.48951, do orzamento municipal vixente.

10.- Os Maios deberán chegar ao lugar da celebración da festa ás 11 horas e iranse colocando no lugar que a organización indique.

11.- Todos os participantes recibirán un diploma que acredite a súa participación nos Maios 2023.

12.- A inscrición dos participantes farase no Rexistro Xeral do Concello mediante o modelo de inscrición que se achega (poderá descargarse desde www.ourense.gal, www.ourensecultura.es ou na Área de Artes e Festexos , rúa da Canle nº 2-Auditorio

Documento asinado electrónicamente conforme á Lei 59/2003.

A versión impresa do documento electrónico ten a condición de COPIA.

Verificación do documento mediante código CSV no sitio <http://sede.ourense.gob.es>

CÓDIGO CSV:DSOLHM6110MCMFMM





Concello de
OURENSE
Artes e Festexos

Municipal).

En caso de **entidades ou asociacións** deberá realizarse por **sede electrónica**

13.- O prazo improrrogable de inscricións rematará o martes día 2 de maio ás 14.00 horas.

14.- Ao remate da festa, será obrigatorio retirar o Maio; en caso de non retiralo perderá a axuda por participación e, de ser o caso, o premio que lle puidese corresponder.

15.- O feito de participar neste Concurso implica a total aceptación e conformidade das presentes Bases. Todas as incidencias non previstas nestas Bases serán resoltas pola Área de Artes e Festexos ou polo Xurado cando este quede constituído.

Para calquera dúbida, discrepancia, reclamación ou cuestión que poida suscitarse sobre a interpretación e execución das presentes bases, as partes renuncian ao foro propio que puidese corresponderlles e sométense expresamente á xurisdición dos Xulgados e Tribunais de Ourense.

A persoa ou entidade gañadora autoriza o tratamento de datos persoais e a súa inclusión nun ficheiro xestionado polo Concello de Ourense coa finalidade de estatística. A persoa interesada poderá exercitar en todo momento os dereitos de acceso, rectificación, cancelación e oposición recoñecidos na Lei Orgánica 15/1999 mediante correo electrónico a cultura@ourense.es ou por correo ordinario á Área de Artes e Festexos (rúa da Canle 2- 32005 Ourense).

Ourense, na data da sinatura electrónica





**Impreso inscrición
Maio 2023**

Datos solicitante

Nome e apelidos: _____ NIF: _____

Nome da vía: _____ Núm. _____ Piso:
Porta: _____

CP: _____ Localidade: _____ Tlf.: _____ E-mail: _____

Solicita inscribirse no concurso dos Maio 2023:

Datos do Maio

Nome	Category
	Artístico <input type="checkbox"/> Enxeb <input type="checkbox"/>
	Infantil <input type="checkbox"/>

Datos fiscais

Nome e apelidos / Razón social	DNI / CIF
--------------------------------	-----------

Observacións

Ourense, ____ de _____ de 2023
Sinatura

Artes e Festexos
Concello de Ourense

